



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Liberorum copiâ non superbiendum.

[urn:nbn:de:hbz:466:1-68709](#)

externo præcipue Domino) egregijs hominibus indignam accedere. En quanti spiritus etiam in centonibus! Joannes Barclaius in Icone animorum. cap. 7. Sed vitium hoc non unam gentem inficit; per omnes plagas vagatur. Alicubi in Germania pueri, etiamnum à matre rubentes, tam strenuè imitantur Nioben, ut dicas ejus ubera suxisse; adeò noverunt stirpis suæ ramos omnes, & frondes, & folia enumerare, genealogias recensere; agnationes, cognationes, propinquitates, affinitates velut suum nomen tenere. Nondum didicerunt memoriter Decalogram, cùm sciunt avos, abavos, atavos, tritavos; patruos, patruëles, consobrinos, avunculos, amitas, materteras; Majorum item suorum officia, munia, magistratus, Principum favores, honores, opes, clientelas, arces, prædia, fundos, veluti docti cunis in ipsis psittaci, sine hæsitatione recitare linguaculi, avitis ceris superbi. Quò denique recidit omnis hæc ostentatio Niobes, eiisque similium? In cinerem, in pulverem, in breve saxum & cippum sepulcrale, qui fasces, tiaras, titulos, coronas angustâ foveâ claudit; cuius rei symolum est lapidea Niobes statua (natorum tumulo imposta) in quam Niobæ jactantia desijt. Vetusius paradigm ex prima omnium parente habemus, quæ quia Deo voluit esse similis, à sua felicitate excidit, & omnium calamitatum illudem in Orbem invexit. Verè Seneca lib. de brevit. vitæ. O quantum caliginis mentibus humanis obijcit magna felicitas! Quàm multi fuissent felices, nisi se tales putâssent!

IV? (d) Innuit hæc fabula, ne in liberorum quidem copia multum spei aut fiduciæ collocandum; cùm infinita exempla loquantur, solum fieri, ut exiguo momento copiosa soboles ad lugendam paucitatem redigi, vel penitus aboleri possit. Quid enim usitatius, quâm ut parentes filiis extremum officium impendant, oculosque morientibus compriment inverso naturæ ordine? Filios, inquit Petrarcha Dial. 70. genuisti; disces tuo periculo longas, in brevi vita, curas texere. Sevisti arborem inexhausto percolendam studio, cuius nullas forsitan fruges leges. Filii sunt tibi; si boni, jugis timor: si mali, sempiternus dolor, solamen ambiguum, certa cura. Habes filios, habes cum ijs, unde vivus doleas, mortuus agnoscaris; habes, & unde sèpius mori possis. Nescis, quæ dolendi materiam gignendo quæsieris, quot lacrimis aditus in tuam domum pateficeris, quantum in te jus mortis, miseriæque præbueris. Expertus hoc Amphion est, & uxor ejus Niobe, quæ, quod superbâ durtie nollet Dijs cedere, in lapidem obriguit; mollior tamen vel in sa-

xq

(d) Liberorum copiâ non sup:biendum.

xo facta est, quia quas viva lacrimas fundere sive non potuit, sive no-
luit, certè in exanimi statua simulavit, monumentum cum uxore Lothi
comparandum, nam hæc curiositatis, illa arrogantiæ pœnas, quas neu-
tra sensit, dedit. Hæc ille. Non est tamen negandum, magnum esse
matrimonij fructum, æ decus numerosam prolem, & bona indole prædi-
tam. De hac parentum felicitate David psal. 127. Vbi inter alia pro-
mia Deum timentis, ideoque beati, hoc etiam recenset : *Vxor tua si-
ent vitis abundans, in lateribus domus tuae. Filii tui sicut novellæ oliva-
rum in circuitu mensa tuae. Ecce si benedicetur homo, qui timet Domi-
num. Quasi diceret : (e) O felicem maritum ! ô beatum patrem, cuius uxor
erit foecunda, sicut vitis frugifera, quæ sepe propagabit per omnia latera
domus ! & veluti novæ olivarum plantulæ, pulchræ, sempèrque viren-
tes, atque in omnem partem ductiles spem faciunt optimæ frugis : ita fi-
lii tui erunt pulchri, sani, viribus & ingenio florentes, dociles, mori-
geri, magnæ spei : qui circa mensam pulchro ordine per ætatis seriem
stantes, tuos, tuæque conjugis recreabunt oculos. Evidem maxima
ornamenta matronis esse liberos, Valerius Maximus refert lib. 4. c. 4.
Cornelia, inquit, Gracchorum mater, cùm Campana matrona apud il-
lam hospita, ornamenta sua illo saeculo pulcherrima ostenderet : traxit
eam sermone, quo usque è schola redirent liberi: *Et hec, inquit, orna-
menta mea sunt. Rectè verò & sapienter ; nam uniones & gemmæ, ma-
rium sunt excrementa ; generosa & benè morata soboles, tanto pre-
tiosior est partus, quanto eæ, quæ pariunt, Conchylijs sunt Indicis no-
biliores. Ejusmodi mater aspiciens liberos suos, meritò potest usurpa-
re verba Apostoli Philipp. 4. *Vos estis gaudium meum, & corona mea.***

V. (f) Non inobservatè transmittendum est, hujus feminæ, sci-
licet, Niobæ, maritum fuisse illum ipsum Amphiona, qui saxa ad ineun-
dam Thebarum urbis structuram cantu pellexit ; virum utique dulcissi-
mi eloquij, musicæque peritissimi. Sed quanto ipse lenior suaviorque
in tractandis tam conjugis, quam aliorum animis, tantè magis ejus super-
biam & supercilium aluit : ita quidem, ut qui in ædificatione Thebana
è axis ad cantum ejus se moventibus, quasi homines reddidit, postea
ex hominibus efficerit saxa. Nam quod Niobe in lapideam sit statuam
mutata, quænam fuit alia causa, quam uxor Amphionis indulgentia,
qui hanc Junonem pridem compescere debuerat, neque permittere, ut
arreptò in homines imperio, etiam in Divos insoleceret. Hæc ei leni-
tas quanti constitit ! propter uxoris indomitam cervicem, Deorum in-
digna-

(e) Quæ felicitas in numerosa prole. (f) Virtus maritum.



dignationem incurrit; & miser ipse, liberique funestam necem subierunt. Verè Aristophanes; nulla fera minùs expugnabilis quām femina. Summa ibi contumacia, si cedendum; si verba & fraudes componendæ, summa astutia; si coquenda vindicta, maxima vigilantia. Neque imbecillis tantum & impar laboribus hic sexus est: sed, si licentia adsit, sœvus, ambitiosus, potestatis avidus, omnium rerum libertatem, imò licentiam, si vera dicere volumus, desiderat, inquit Tacitus. Et Poëta in veteri Comœdia.

Malè quod mulier facere incipit, nisi efficere perpetrat,
Id illi morbo, id illi senio est: ea illi miseriae miseria;
Si bene facere incipit, eius eam citò odium percipit.

SYMBOLVM XXXIV.

Amphion cantu fidium Thebas urbem ædificat.

Homerus Odyss. μ.

Ethicè.

1. Princeps amabilis. 2. Concordia civium. 3. Cithara, hieroglyphicum boni Principis.

Fuit is Jovis ex Antiopa, Lyci Regis Thebani, filia proles, Thebærum & ipse rex, non sceptro magis, quām plectro potens & clarus. Vxor ei fuit Niobe, mulier superba & imperiosa, quæ cotis instar virtutem & patientiam mariti acuebat, de qua in præcedente Symbolo. Citharam Amphion ab ipso Mercurio ejus inventore, accepit; quam, sicut alia instrumenta musica, tanta suavitate pulsavit, ut, cum Thebæ in Bæotia, non satis adversus finitimos hostes essent instructæ turribus ac propugnaculis, ipse mellito fidium sono saxa quoque commoverit, & ad urbis Thebanæ constructionem attraxerit. Illa quippe dulcissimo modulatu duritatem suam ponere, & velut animata essent, loco se movere; primoque grandiora in fundamentum intrare; deinde paulò minores lapides, leni motione confluere, aliisque super alios subsilientes, ultro coēunte junctura, consurgere; demum crescente numero, partim summam in altitudinem sese attollere, partim in propugnacula, ad vim quamcunque repellendam, protuberare cœperunt. Muros septemgemi-

Z

næ



xo facta est, quia quas viva lacrimas fundere sive non potuit, sive no-
luit, certè in exanimi statua simulavit, monumentum cum uxore Lothi
comparandum, nam hæc curiositatis, illa arrogantiæ pœnas, quas neu-
tra sensit, dedit. Hæc ille. Non est tamen negandum, magnum esse
matrimonij fructum, æ decus numerosam prolem, & bona indole prædi-
tam. De hac parentum felicitate David psal. 127. Vbi inter alia pro-
mia Deum timentis, ideoque beati, hoc etiam recenset : *Vxor tua si-
ent vitis abundans, in lateribus domus tuae. Filii tui sicut novellæ oliva-
rum in circuitu mensa tuae. Ecce si benedicetur homo, qui timet Domi-
num. Quasi diceret : (e) O felicem maritum ! ô beatum patrem, cuius uxor
erit foecunda, sicut vitis frugifera, quæ sepe propagabit per omnia latera
domus ! & veluti novæ olivarum plantulæ, pulchræ, sempèrque viren-
tes, atque in omnem partem ductiles spem faciunt optimæ frugis : ita fi-
lii tui erunt pulchri, sani, viribus & ingenio florentes, dociles, mori-
geri, magnæ spei : qui circa mensam pulchro ordine per ætatis seriem
stantes, tuos, tuæque conjugis recreabunt oculos. Evidem maxima
ornamenta matronis esse liberos, Valerius Maximus refert lib. 4. c. 4.
Cornelia, inquit, Gracchorum mater, cùm Campana matrona apud il-
lam hospita, ornamenta sua illo saeculo pulcherrima ostenderet : traxit
eam sermone, quo usque è schola redirent liberi: *Et hec, inquit, orna-
menta mea sunt. Rectè verò & sapienter ; nam uniones & gemmæ, ma-
rium sunt excrementa ; generosa & benè morata soboles, tanto pre-
tiosior est partus, quanto eæ, quæ pariunt, Conchylijs sunt Indicis no-
biliores. Ejusmodi mater aspiciens liberos suos, meritò potest usurpa-
re verba Apostoli Philipp. 4. *Vos estis gaudium meum, & corona mea.***

V. (f) Non inobservatè transmittendum est, hujus feminæ, sci-
licet, Niobæ, maritum fuisse illum ipsum Amphiona, qui saxa ad ineun-
dam Thebarum urbis structuram cantu pellexit ; virum utique dulcissi-
mi eloquij, musicæque peritissimi. Sed quanto ipse lenior suaviorque
in tractandis tam conjugis, quam aliorum animis, tantè magis ejus super-
biam & supercilium aluit : ita quidem, ut qui in ædificatione Thebana
è axis ad cantum ejus se moventibus, quasi homines reddidit, postea
ex hominibus efficerit saxa. Nam quod Niobe in lapideam sit statuam
mutata, quænam fuit alia causa, quam uxor Amphionis indulgentia,
qui hanc Junonem pridem compescere debuerat, neque permittere, ut
arreptò in homines imperio, etiam in Divos insoleceret. Hæc ei leni-
tas quanti constitit ! propter uxoris indomitam cervicem, Deorum in-
digna-

(e) Quæ felicitas in numerosa prole. (f) Virtus maritum.

